

Booshi Wever (UPP):

Otro prueba cu introduccion di reglanan estricto di good governance ta indispensable

ORANJESTAD - Ayera nos comunidad a wordo sacudi cu e noticia cu "inval"-nan na cas di varios ciudadanonan a tuma luga.

Un accion na unda tanto e poder hudicial como e poder ehecutivo a coopera cu otro. Y un di e casnan cu a ser bishita, ta esun di un minister. Mesora nos por a tuma nota di reaccionnan den medionan social.

Tin hende ta di hubilo y otro ta tristo. Ami sigur lo no bay gosa cu dolor di ningun hende, ni tampoco bay husga ningun hende.

Sinembargo nos no por perde for di bista, cu nos di UPP a bin ta muestra na varios ocasion loka ta pasando den henter e asunto di permisio-logia, incluso loka tabata pasa cu e "ontheffing" cu tabata ser duna na companianan pa trabounan, pa cual tin hopi Arubianonan disponibel cu por haci e trabou.

Nos ta contento cu porfin investigacionnan ta wordo haci y ta di spera cu e no keda na esaki so, sino e ta muestra cu tin tipo di discriminacion. Pasobra e minister concerni hamas por a haci loka e ta wordo acusa di dje sin ayudo di su colega Benny Zievinger y sin conocimiento di particularmente Mike Eman.

Awor falta pa sigui pa e otro parti di e cadena, esta e otorgamento di e permiso mes. Nos a publica varios carta di "ontheffing" na unda ta aparece firma di tanto e minister cu ta wordo investiga awor, pero tambe di Benny Zievinger. Aki tambe nos a haci denuncia oficial na OM y nos

a manda carta pa tur partidodonan politico, instancianan y gremionan riba e corrupcion den esaki. Y nos a menciona number di Radhi Kan y Mario Wever. Ta di spera cu OM no laga e investigacion na e "ontheffingen" so, pero bay pa esunnan cu ta "wheel & deal" den Dimas y cu den number y/of riba peticion y instruccion di Benny Zievinger ta fix cos pa hende.

E tempo ey nos nunca a haya reaccion di ningun partido politico, probablemente nan ta pensa riba votonan di familiares di esunnan cu a ser yuda pa un famia di nan haya un permiso cu si por vota.

Pues UPP ta contento cu OM a haci y ta haciendo investigacion den e asunto aki. Pero nos lo ta di hubilo grandi dia cu partidodonan politico y Pueblo realisa cu tur e casonan aki por a ser evita si e reglanan estricto di Good Governance tabata "in place".

Dia cu kita e posibilidad cu un politico por haci su mes culpabel na "machtsmisbruik", manera OM a menciona ayera, un minister lo pensa hopi bon prome cu e pensa di complace cu hende y ricibi placa pa esaki.

Y con Good Governance por logra esaki? Nos kier djis muestra riba 4 aspecto di Good Governance en general.

E prome ta transparencia. Pues e minister concerni mester publica tur e "ontheffingen" cu el a haci, y muestra cu e procedura cu el a sigui pa yega na e "ontheffing" ta conforme nos ley- y reglanan. Y den esaki ta importante pa e hustifica, argumenta y



motiva su decision.

Si e no haci esaki manera cu mester ta, cualkier ciudadano mesora por acudi na e protector di pueblo y entrega un keho. Esaki na su turno mester actua mesora y exige di e minister concerni pa e responsabilisa (accountability) su mes loka el a haci. Pues e ciudadano no mester warda un aña pa algo por ser haci.

Den e caso cu por ehempel e minister hinca den su cabes mes cu por keda sin ta transparente, un empleado publico lo por bay cerca e mesun protector di pueblo pa entrega un keho. Awor hopi ambtenaar no ta hacie pasobra e tin miedo di represaya. Ta p'esey ta indispensable pa introduci leyman cu ta duna proteccion total na e asina yama "Klokkenluiders".

Cu e 4 aspectonan aki so, nos por logra cu e minister su man ta mara y cu e lo pensa su mes mil un biaha prome cu e bay haci su mes culpabel na tipo di actonan criminal asina.

Aki nos kier a ilustra con facil e ta pa trece e cambionan necesario pa nos por garantisa e pueblo cu su interes ta wordo bon sirbi y proteha.

E dia cu nos por logra introduci e reglanan aki, e dia ey, SI UPP lo ta di hubilo y nos ta sigur cu e Pueblo tambe lo ta di fiesta, pasobra e Pueblo lo ta feliz, pasobra e beneficio lo bay directamente pa e Pueblo, mescos ta e caso na e paisnan scandinavio cu tin e reglanan estricto di Good Governance "in place".

Dicon ainda otro partidodonan politico no kier esaki, pa UPP ta un misterio.

Ta p'esey UPP ta bisa "CUBO so nos por logra, P'ABO por ta feliz y PA ARUBA por ta prospero atrobe y nos por muestra mundo henter cu nos ta merecedor di nos Status Aparte.



**Relojes
Pulseras
Cadenas
Dijes**

Nos ta graba

"COMPRA Y VENTA"

Bachue
Joyeros

Compramos
Vendemos
Arreglamos todo tipo de Joyas
Contamos con un Buen Surtido de
Pulseras y Baterias para Relojes
Habri di Dialuna pa Diasabra
9:00am pa 1:00pm y di 2:00pm - 6:00pm

BACHUE

Abo!

No tin tempo
pa Laba y Seca bo
Pañanan!

Pasa y Laganan na:

AQUA
LAUNDRY

Habri di Dialuna pa Diasabra
7:30am non stop 7:30pm
Diamingo de 9:00am - 1:00pm

Tel: 587 0772